


Umupira wa Sano



Imwe mu nkuru zahize izindi mu irushanwa
ANDIKA RWANDA 2019

MUMPE URUBUGA NSOME!



MUBYEYI, DORE UBURYO WAFASHA UMWANA GUSOMA

- Ha umwanya umwana agusomere inkuru cyangwa umuvugo. Nawe kandi ushobora kumusomera.
- Fasha umwana gutekereza ku byo asoma cyangwa umusomera uagenda umubazaho ibibazo.
- Mu gihe murangije gusoma inkuru cyangwa umuvugo, ha umwana umukoro umufasha kwimenyereza kwandika inkuru.

UMUKORO

Saba umwana kwandika inkuru ku ifoto imanitse mu ruganiriro, ku muntu runaka wo mu rugo, ku bindi bintu ubona hanze...Umwana ashobora kubyandika cyangwa akabishushanya, hanyuma ukamuha umwanya wo kubigusobanurira.

IBISOBANURO KU MUBARE WANDITSE KU GIFUNIKO CY'AGATABO

- Ku gifuniko cy'aka gatabo hariho umubare. Uyu mubare, werekana ikiciro agatabo karimo, si umwaka umwana yigamo.
- Hakurikijwe uko inkuru yanditsemo yoroshye gusoma no kumva, cyangwa ikomeye, agatabo gashobora kuba mu kiciro cya 1, 2, 3, 4, 5. Bityo, inkuru yoroha duhereye ku kiciro cya mbere.
- Agatabo kari mu kiciro kimwe gashobora gusomwa cyangwa gusomerwa umwana wiga mu mwaka wa 1, uwiga mu wa 2, n'uwiga mu wa 3, bitewe n'ikigero umwana agezeho mu kumenya gusoma.

Babyeyi, turabashimira ko muha abana nibura iminota 15 yo gusoma ibitabo buri muni, kandi mukaba muri kumwe na bo igihe basoma.

Umupira wa Sano



Imwe mu nkuru zahize izindi mu irushanwa
ANDIKA RWANDA 2019



UWIMANA Melanie, yanditse iyi nkuru afite imyaka 17, yiga mu mwaka wa 1 w'amashuri yisumbuye, mu Rwunge rw'Amashuri rwa Rutare, Akarere ka Kayonza, Intara y'Iburasirazuba. Iyi nkuru ye, UMUPIRA WA SANO, ni imwe mu zahize izindi mu irushanwa rya Andika Rwanda 2019.



Sano yabanze umupira wo gukina mu birere.
Awutaka amabara meza anyuranye.



Bukeye awujyana ku ishuri.
Isimbi bigana awubonye arawukunda cyane.




Isimbi asaba Sano kuwumutiza.
Yashakaga kuwukina ageze mu rugo.



Sano arawumwima.
Isimbi biramubabaza cyane ararira.



Mugisha yiruka amusanga.
Nuko amubaza ikimuriza.



Isimbi abwira Mugisha ikimubabaje.
Sano yari yanze kumutiza umupira.



Mugisha yinginga Sano ngo awumutize.
Sano aranangira, Isimbi arushaho kubabara.




Sano aza kwibuka akamaro ko gukina.
Harimo kuruhuka no kunguka inshuti.



Nuko yemera gutiza Isimbi umupira.
Isimbi awakira yishimye, aramushimira.



Isimbi atashye, yihutira gukora umukoro.
Arangije ahamagara abandi ngo bakine.



Bose babonye umupira wa Sano baratangara.
Babonaga ari mwiza cyane.



Biyemeza kujya gushaka ibirere.
Babanga imipira imeze nk'uwa Sano.



Bukeye basubira ku ishuri.
Isimbi ashukiriza Sano umupira we.
Anamwereka uwe yabanze.



Sano ashimira Isimbi ko atangije umupira we.
Kandi ashimishwa n'uko Isimbi yize kubanga.

This work is licensed under Creative Commons Attribution-NoDerivatives 4.0 International (CC BY-ND 4.0). To view a copy of this license, visit <https://creativecommons.org/licenses/by-nd/4.0/>. This work is an adaptation of materials originally prepared as part of the Rwanda Education Board's Andika Rwanda writing contest. Under this license, you are free to copy, distribute, and transmit this work as long you provide attribution as follows: "This work is an adaptation of materials originally prepared as part of the Rwanda Education Board's Andika Rwanda writing contest; it was developed through collaboration between the Rwanda Education Board (REB) and the United States Agency for International Development (USAID)." More details on permissions under this license can be found at <https://creativecommons.org/licenses/by-nd/4.0/>." Distribution of adaptations of this work are not permitted under this license without the permission of the copyright holder.

